

## **Zaključak**

**po Prijavi koncentracije privrednog subjekta „AS HOLDING“ d.o.o. Jelah, Industrijska zona Ekonomija bb 74 264 Jelah - Tešanj koja se odnosi na sticanje kontrole nad privrednim subjektom „MAK ZARA“ d.o.o. Vogošća, ul. Remzije Veje br.10., 71320 Vogošća, Sarajevo**

**Sarajevo  
novembar, 2017. godine**

Broj: UP-02-26-1-027-15/17  
Sarajevo, 30.11.2017 godine

Na osnovu člana 25. stav (1) tačka e) i člana 42. stav (2), u vezi sa članom 14. Zakona o konkurenciji ("Službeni glasnik BiH", br. 48/05, 76/07 i 80/09), rješavajući po Prijavi koncentracije privrednog subjekta „AS HOLDING“ d.o.o. Jelah, Industrijska zona Ekonomija bb Jelah, 74 264 Tešanj, zaprimljenoj dana 02.08.2017. godine, pod brojem: UP-02-26-1-027-1/17, Konkurencijsko vijeće Bosne i Hercegovine, na 14. (četnaestoj) sjednici održanoj dana 30. novembra 2017. godine, donijelo je

### **ZAKLJUČAK**

1. Odbacuje se Prijava koncentracije privrednog subjekta „AS HOLDING“ d.o.o. Jelah, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 02.08.2017. godine pod brojem: UP-02-26-1-027-1/17 zaprimilo Prijavu koncentracije privrednog subjekta „AS HOLDING“ d.o.o. Jelah, Industrijska zona Ekonomija bb, Jelah, 74 264 Tešanj (u daljem tekstu: AS HOLDING ili Podnosilac Prijave) koja se odnosi na sticanje kontrole od strane Podnosioca prijave nad privrednim subjektom „MAK ZARA“ d.o.o. Vogošća, ul. Remzije Veje br.10., 71320 Vogošća, Sarajevo (u daljem tekstu: MAK ZARA), u smislu člana 12. stav (1) tačka b) podtačka 1) Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon).

S obzirom da Prijava nije bila kompletna, Konkurencijsko vijeće je aktom broj: UP-02-26-1-027-2/17 od dana 04.08.2017. godine, zatražilo dopunu iste, koju je Podnosilac prijave dostavio dana 17.08.2017. godine aktom broj: UP-02-26-1-027-3/17.

Konkurencijsko vijeće je zatražilo dopunu Prijave aktom broj: UP-02-26-1-027-3/17 od 13.09.2017.godine i aktom broj: UP-02-26-1-027-6/17 od 26.09.2017.godine, na što je Podnosilac prijave tražio produženje roka za dostavljanja istih podneskom broj: UP-02-26-1-027-8/17 od 05.10.2017. godine te imajući u vidu razloge koje je naveo Podnosilac zahtjeva kao obrazloženje za produženje roka, Konkurencijsko vijeće je ocijenilo opravdanim i odobrilo produženje roka, aktom broj: UP-02-26-1-027-9/17 od 16.10.2017. godine.

Podnosilac zahtjeva je podneskom broj: UP-02-26-1-027-10/17 od 24.10.2017. godine, obavijestio Konkurencijsko vijeće da su akt broj: UP-02-26-1-027-3/17 od 13.09.2017.godine koji se odnosi na dopunu Prijave, zagubio, s obzirom na obimnu dokumentaciju koju zaprimaju svakodnevno, te da će traženo dostaviti u odobrenom roku čiji su produženje tražili.

Predmetna Prijava dopunjena je podneskom broj: UP-02-26-1-027-11/17 zaprimljena dana 06.11.2017.godine i podneskom broj: UP-02-26-1-027-11/17 od 13.11.2017. godine.

Podnosilac prijave je naveo, u skladu s članom 30. stav (2) Zakona, da Prijavu nije podnio niti ima namjeru podnijeti ovlaštenim tijelima za ocjenu koncentracije izvan teritorije Bosne i Hercegovine.

Konkurencijsko vijeće u postupku ocjene Prijave je utvrdilo slijedeće činjenice:

Prijava je podnesena u propisanom roku, u smislu člana 16. stav (1) Zakona.

## **1. Učesnici koncentracije**

Učesnici predmetne koncentracije su privredni subjekt „AS HOLDING“ d.o.o. Jelah, Industrijska Zona, Ekonomija bb 74 264 Jelah, Tešanj i privredni subjekt „MAK ZARA“ d.o.o. Vogošća, ul. Remzije Veje br.10., 71 320 Vogošća, Sarajevo.

### **1.1. Privredni subjekt „AS HOLDING“ d.o.o. Jelah**

Privredni subjekt „AS HOLDING“ d.o.o., osnovan je 19.10.2016 godine i upisan u registar Općinskog suda u Zenici pod matičnim brojem 43-01-0572-16 JIB:4218943620008, sa upisanim kapitalom od 100.000,00 KM, (..)\*\*<sup>1</sup>...

Osnovne registrovane djelatnosti privrednog subjekta AS HOLDING su savjetovanje u vezi s poslovanjem i ostalim upravljanjem.

(..)\*\*...

(..)\*\*...

#### **1.1.1. Povezana društva privrednog subjekta AS HOLDING**

Privredni subjekt AS HODLING djeluje u sastavu AS grupacije čije je matično društvo AS d.o.o. Jelah, Tešanj.

U sastavu AS grupacije osim privrednog subjekta AS HOLDING nalaze se sljedeći privredni subjekti:

(..)\*\*...

U sastavu AS grupacije dva privredna subjekta se bave proizvodnjom i prodajom čokolade i to: Vispak d.d. Visoko i AC Food d.o.o. Velika Kladuša.

#### **1.1.2. Privredni subjekt „AC FOOD“ d.o.o. Velika Kladuša**

Privredni subjekt „AC FOOD“ d.o.o. Velika Kladuša, upisan je u registar Općinskog suda u Bihaću pod matičnim brojem 17-01-0001-17 JIB:4263754360009 u 2017. godini, sa upisanim kapitalom od 2.000,00 KM, čiji je osnivač privredni subjekt AS HOLDING sa 100% udjela.

---

<sup>1</sup> (..)\*\* podaci predstavljaju poslovnu tajnu

Osnovne registrovane djelatnosti privrednog subjekta AC FOOD-a su proizvodnja kaka, čokolade i slastičarskih proizvoda.

## **1.2. Privredni subjekt „MAK ZARA“ d.o.o. Vogošća, Sarajevo**

Privredni subjekt „MAK ZARA“ d.o.o. Sarajevo osnovano je 01.07.2010.godine i upisano u registar Općinskog suda u Sarajevu pod matičnim brojem 1-26094 JIB: 4201195270007 sa upisanim kapitalom 2.000,00 KM, (..)\*\*...

Osnovne registrovane djelatnosti privrednog subjekta MAK ZARA su proizvodnja kaka, čokolade i slastičarskih proizvoda.

Privredni subjekt MAK ZARA d.o.o. ima osnovane dvije poslovne jedinice i to:

- MAK ZARA d.o.o. – PJ br.1 Sarajevo sa sjedištem FRANCA LEHARA br. 2. Sarajevo – Centar i
- MAK ZARA d.o.o. Sarajevo – P.J Trgovina na malo 2, Sarajevo sa sjedištem TRG DJECE SARAJEVA ( BBI CENTAR).

Privredni subjekt MAK ZARA nema vlasničke udjele u drugim privrednim subjektima u Bosni i Hercegovini,

Nirmel Omić nije član Uprave, niti Nadzornog Odbora u drugim privrednim subjektima.

## **2. Pravni okvir ocjene koncentracije**

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta ("Službeni glasnik BiH", br. 18/06 i 34/10) i Odluke o načinu podnošenja prijave i kriterijumima za ocjenu koncentracija privrednih subjekata ("Službeni glasnik BiH", br. 34/10).

## **3. Pravni osnov koncentracije**

Pravni osnov predmetne koncentracije je Ugovor o prenosu osnivačkog udjela broj: OPU-IP:402/2017 (..)\*\*.....

(..)\*\*.....

(..)\*\*.....

(..)\*\*.....

Predmetna koncentracija predstavlja sticanje kontrole privrednog subjekta AS HOLDING d.o.o. nad privrednim subjektom MAK ZARA u smislu člana 12.stav 1. tačka b. pod 1. Zakona.

#### 4. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne osobine, kvalitet, uobičajenu namjenu, način upotrebe, uslove prodaje i cijene.

Nadalje prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Podnosilac prijave je kao relevantno tržište naveo, tržište proizvodnje i prodaje čokolade na teritoriji Bosne i Hercegovine, s obzirom na relevantno tržište djelovanja učesnika koncentracije, kao i privrednih subjekata koji se nalaze u sastavu AS grupacije, koji se bave proizvodnjom i prodajom čokolade.

Predmetna koncentracija prema podacima iz Prijave koncentracije, će imati efekat na relevantnom tržištu proizvodnje i prodaje čokolade na teritoriji Bosne i Hercegovine.

#### 4.1. Analiza relevantnog tržišta koncentracije

##### 4.1.1. Analiza tržišta proizvodnje čokolade

Prema podacima iz Prijave učesnici koncentracije i tržišni konkurenti na relevantnom tržištu, u 2016. godini, imaju:

*Tabela 1. Procjena tržišnih udjela učesnika koncentracije i njihovih povezanih društava na tržištu proizvodnje čokolade*

| R.br   | Naziv privrednog subjekta | Tržišni udio (%) |
|--------|---------------------------|------------------|
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |
| (..)** | (..)**                    | (..)**           |

*Izvor: Podaci iz Prijave i slobodna procjena Podnosioca Prijave zbog nepostojanja konkretnih podataka u istraživačkim agencijama*



\* procjenjeni tržišni udjeli učesnika koncentracije

\*\* procjenjeni tržišni udjeli učesnika koncentracije i njihovih povezanih društava

Iz podataka navedenih u Tabeli br.2 vidljivo je da privredni subjekt AS HOLDING nije prisutan na relevantnom tržištu, a da je tržišni udio privrednog subjekta MAK ZARA neznatan (0,07%), dok zajednički tržišni udio učesnika koncentracije i njihovih povezanih društava na relevantnom tržištu prodaje čokolade u Bosni i Hercegovini nije veći od 40%.

## 5. Obaveza prijave koncentracije

Obaveza prijave koncentracije privrednih subjekata sa sjedištem u Bosni i Hercegovini, u smislu člana 14. stav (1) pod b) Zakona, u vezi sa članom 2. Odluke o načinu podnošenja prijave i kriterijima za ocjenu koncentracije privrednih subjekata, postoji ako ukupni godišnji prihod svakog od najmanje dva privredna subjekata učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,00%.

Prema podacima iz Prijave, ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31. decembar 2016. godine, kao godini koja prethodi koncentraciji, iznosi:

Tabela 3.

|        | AS HOLDING* | AS GRUPACIJA** | MAK ZARA |
|--------|-------------|----------------|----------|
|        | KM          | KM             | KM       |
| Svijet | 0,00        | (..)**         | (..)**   |
| BiH    | 0, 00       | (..)**         | (..)**   |

Izvor: Podaci iz Prijave o namjeri koncentracije

\* privredni subjekat AS HOLDING nije ostvario prihode u 2016. godini s obzirom da je osnovan 19.10.2016. godine

\*\*ukupni prihodi povezanih privrednih subjekata – podaci iz Konsolidovanog finansijskog izvještaja AS d.o.o. Jelah - Tešanj.

Godišnji prihodi učesnika koncentracije predstavljaju ukupne prihode (bez poreza na dodatnu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Članom 14. stav (3) Zakona je utvrđeno da u slučaju da se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda, obračunavat će se samo prihod onih dijelova privrednog subjekta koji su predmet kontrole koncentracije.

Prema podacima iz Prijave učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona (Tabela 3.).

Također, učesnici koncentracije nisu ispunili ni uslov da je njihov zajednički tržišni udio na relevantnom tržištu veći od 40,0% (Tabele 1. i 2.).

Na osnovu naprijed navedenog, utvrđeno je da privredni subjekt AS HOLDING nije bio obavezan podnijeti prijavu koncentracije, te je Konkurencijsko vijeće odlučilo kao u dispozitivu ovog Zaključka.

Tokom postupka radi utvrđivanja svih relevantnih činjenica, u smislu člana 35. Zakona, Konkurencijsko vijeće se obratilo je Agenciji za statistiku BiH podneskom broj: UP-02-26-1-027-5/17 od 21.09.2017. godine kojim su traženi podaci o proizvedenoj i plasiranoj/prodanoj čokoladi na tržištu BiH kao i podaci o privrednim subjektima.

Agencija za statistiku BiH podneskom broj: UP-02-26-1-027-7/17 od 02.10.2017. godine je dostavila podatke o količinama proizvedenih i plasiranih proizvoda pod šifrom 10.82. Proizvodnja kaka, čokolade i slastičarskih proizvoda, te da ne raspolažu sa podacima o učešću privrednih subjekata na relevantnom tržištu BiH.

## **6. Administrativna taksa**

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi s procesnim radnjama pred Konkurencijskim vijećem ("Službeni glasnik BiH", br. 30/06 i 18/11) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

## **7. Pouka o pravnom lijeku**

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

**Predsjednik:**

**Ivo Jerkić**